

- пратиоца или вође групе ловаца до завршетка (пригона или погона) лова;
15. Пригодом судјеловања у кружном лову и у пригону, пушка се мора држати у положају косо долje или косо горе;
 16. Судионике у лову, прекршиоце правила из става 1. и 2. овог члана, стручни пратилац или вођа групе ловаца ће искључити из лова.

Члан 19.

Није дозвољен лов дивљачи:

1. У вријеме када је видљивост знатно смањена (видљивост мања од 150 m), лошег времена (услијед магле, јаке кише, снijега, јаког вјетра и сл.), хемијског, биолошког и радиоактивног загађења, ратног дјеловања на површинама где је установљено ловиште;
2. Ноћу, два сата прије изласка и два сата послиje заласка сунца, осим дивљих свиња, медвједа и вука у ноћи са мјесечином, дочеком са чеке.
3. Забрањено је ловити дивљач, осим у сврху спашавања, у следећим условима:
 - a) када је угрожена поплавом;
 - b) када је угрожена пожаром;
 - c) када је угрожена високим снijегом (висина снijега изнад 40 cm);
 - d) када је угрожена дуготрајним сушним раздобљем (раздобље дуже од 60 дана без кише). Забрањено је обављање лова на поједине врсте дивљачи када лов може угрозити здравље људи, стoke, као и друге животињске врсте.

Члан 20.

Ловостајем заштићена дивљач и дивљач изван режима заштите може се одстријелити само ловачким оружјем и ловачком муницијом одговарајућег пуњења у складу са одредбама Закона о ловству.

Члан 21.

Дивљач изван режима заштите и пси и мачке, који се без контроле и без одобрења корисника ловишта крећу по ловишту, лове се у организованим акцијама и приликом лова на друге врсте дивљачи.

Ловац-члан удружења обавезан је сваке ловне године одстријелити одређен број дивљачи изван режима заштите и паса и мачака који се крећу ловиштем без контроле власника или одобрења корисника ловишта и то у вриједности коју одреди корисник ловишта.

Вриједност појединачног поена утврђује Управни одбор корисника ловишта и то за сваку ловну годину у годишњем плану господарења ловиштем.

Ловац који не испуни обавезу из става 2. дужан је исту платити по утврђеној цијени корисника ловишта и то до краја текуће ловне године.

Члан 22.

Објекте у ловишту у току извршења лова користе сва лица која имају дозволу за лов издану од стране корисника ловишта или Савеза, искључиво у функцији за коју су предвиђени и уз накнаду предвиђену Џеновником који доноси федерални министар.

Члан 23.

За сву учињену штету ловаца у ловишту насталу приликом лова, одговоран је корисник ловишта.

Корисник ловишта мора надокнадити штету власницима земљишта, вода и шума на којем је штета настала, а има право рефундирања исплаћеног износа од ловца који је штету причинио.

Члан 24.

Корисници ловишта су обавезни да, на основу овог Правилника, ускладе своје пословање са специфичним

приликама у ловиштима којим господаре, у року од шест мјесеци од дана ступања на снагу овога Правилника.

Члан 25.

Даном ступања на снагу овога Правилника престаје важити Упутство о условима за газдовање ловиштем ("Службени лист СРБиХ", број 37/90).

Члан 26.

Овај Правилник ступа на снагу осмог дана од дана објављивања у "Службеним новинама Федерације БиХ".

Број 01-02-384/06
септембра 2006. године
Сарајево

Министар
Маринко Ђошић, с. п.

Na osnovu člana 38. stav 2. Zakona o lovstvu ("Službene novine Federacije BiH", broj 4/06), federalni ministar poljoprivrede, vodopoprivrede i šumarstva donosi

PRAVILNIK O UVJETIMA GOSPODARENJA LOVIŠTIMA

Član 1.

Ovim Pravilnikom propisuju se uvjeti gospodarenja lovištem, način organizovanja lova, vrijeme trajanja lova, kontrola izlovljavanja divljači, nakanada za učinjenu štetu lovacima u lovištu, mjere sigurnosti u lovu i način korištenja objekata u lovištimu sa kojim gospodari lovačka udruga, privredno društvo šumarstva, te ostala pravna lica registrovana za bavljenje lovstvom koja su na osnovu Zakona o lovstvu i Zakona o koncesijama dobili lovište na gospodarenje (u daljnjem tekstu: korisnik lovišta).

Član 2.

Korisnik lovišta obavezan je ispunjavati sljedeće uvjete:

1. da ima urednu registraciju za obavljanje lova;
2. da je član Lovačkog saveza Herceg Bosne ili Saveza lovačkih organizacija BiH;
3. da u Zakonom predviđenom roku (godina dana, računajući od dana preuzimanja lovišta) donosi lovno-gospodarsku osnovu lovišta kao dugoročni plan gospodarenja, a u skladu sa njom godišnje planove gospodarenja lovištem do 30. aprila, kao i da izvještaj o izvršenju godišnjeg plana podnosi do 31. maja tekuće godine;
4. da izradi program uzgoja divljači kao planski i gospodarski akt kojim se potanki ureduje uzgoj, zaštita, lov i upotreba divljači u uzgajalištima divljači;
5. da osigura finansijska sredstva za provođenje lovno-gospodarske osnove za štete na divljači i lovištu, kao i nadoknadu štete koju čini divljač (osiguranjem kod osiguravajućeg zavoda, pologom kod banke, hipotekom na nekretnine i sl.);
6. da mjerama korištenja lovišta održava normalan kapacitet pojedinih vrsta divljači i time utiče na obim šteta kod drugih privrednih grana na području lovišta;
7. da u gospodarenju lovištem osigura saradnju stručnih lica za planiranje i realizacije stručnih poslova i zakonskih odredbi (član 42. Zakona o lovstvu);
8. da doneše i redovno uskladjuje sa stanjem na tržištu opšti akt o korištenju lovišta;
9. da osigura provođenje preventivnih dijagnostičkih, kurativnih i higijensko-zdravstvenih mjera u lovištimu i ostalim prostorima gdje se divljač uzgaja ili obitava radi zdravstvene zaštite divljači;
10. da vode evidencije o izvršenim radovima i provedenim mjerama u lovištu i izvještavaju nadležne organe o istim, član 50. Zakona o lovstvu;

11. da sredstva ostvarena u gospodarenju lovištem koristi namjenski i u skladu sa članom 51. Zakonu o lovstvu;
12. da organizuje lovočuvarsku službu koja će učinkovito raditi na zaštiti i uzgoju divljači, uređenju lovišta i racionalnom korištenju divljači i lovišta;
13. da organizovanim radom osigurava stručno usavršavanje učesnika gospodarenja lovištem sa ciljem da se pri tome dosljedno poštuju zakonske, stručne i etičke norme;
14. da uredno prati realizaciju dugoročnog i godišnjih planova gospodarenja lovištem prema propisanim evidencijama;
15. da ima stručno mišljenje za korištenje lovišta izdano od strane Saveza kojeg je član;

Provodenje uvjeta iz stava 1. ovog člana izvršit će se zaključivanjem ugovora između kantonalnog ministarstva nadležnog za poslove lovstva i organizacije kojoj je lovište dano na gospodarenje.

Član 3.

- Gospodarenje lovištem, u smislu ovog Pravilnika, obuhvata:
- Izrada i provodenje lovne osnove i godišnjih planova gospodarenja lovištem;
 - Određivanje namjene površina lovišta, površina rezervata i dinamike zaštite staništa i očuvanja divljači, površina za izgradnju stalnih i privremenih prihvatilišta za fazanske piliće, površina za ogradijanje za intenzivni uzgoj krpne divljači i sl.;
 - Stalno praćenje brojnosti i "stanja" fondova divljači u lovištu i vođenje lovne evidencije i statistike;
 - Praćenje zdravstvenog stanja divljači i saradnja sa veterinarskom službom (dostava uzoraka i obavljevanje u vezi nalaza i sl.), poduzimanje preventivnih i represivnih mjer i dr.;
 - Planiranje, organizovanje i realizacija akcija u lovištu;
 - Planiranje, organizacija, realizacija i kontrola obilježivanja granica lovišta, granica rezervata, terena za obuku lovačkih pasa, komercijalnih dijelova lovišta, postavljenje, održavanje i zamjena graničnih ploča;
 - Planiranje, organizacija, realizacija i kontrola lova za lovce članove udruge;
 - Planiranje, organizacija, realizacija i kontrola lova za lovce turiste;
 - Organizacija, realizacija i kontrola odstrjela divljači, ocjenjivanje trofeja divljači, izdavanje trofajnih listova i vođenje evidencije;
 - Ostale mјere i aktivnosti koje zavise od specifičnih prilika u lovištu, odredaba Zakona, akata Saveza i stanja organizovanosti korisnika lovišta.

Član 4.

Akcije u lovištu su:

1. Akcije obuhvaćene stavom iz finansijskog dijela plana gospodarenja lovištem: "Planirana vrijednost uloženog rada i drugih ulaganja lovaca u lovište" i to:
- Izgradnja lovno-tehničkih objekata (visoke čeve, hranilišta, i sl.);
- Izgradnja prihvatilišta za fazanske piliće;
- Akcija izgradnje solišta;
- Akcija osiguranja vode u lovištu (pojilišta, bunari, vodotoci i sl.);
- Akcija podizanja remiza, polja za divljač, obrada njiva i sl.;
- Akcija hvatanja žive divljači i puštanje žive divljači u lovište;
- Čuvanje prihvatilišta i karantena za unošenje žive divljači u lovište;
- Ostale akcije prilagodene stvarnim potrebama lovišta;

2. Ostale obavezne akcije u lovištu, i to:
 - Proljetno brojanje divljači;
 - Akcije smanjenja broja predatora;
 - Akcije uništavanja pasa i mačaka koji se po lovištu kreću bez kontrole i odobrenja korisnika lovišta;
 - Iznošenje animalne soli;
 - Akcija osiguranja hrane za zimsku prihranu divljači;
 - Zimsko prihranjivanje divljači;
 - Akcija čuvanja lovišta, sudjelovanje u patrolama, pomoći lovočuvarskoj službi;
 - Ostale akcije prilagodene stvarnim potrebama lovišta.

Član 5.

Ulovljena ili uginula divljač i njeni dijelovi (trofeji i dr.) pripadaju korisniku lovišta i mogu se koristiti uz naknadu po tržišnim cijenama ulovljene divljači i njenih dijelova (Cjenovnik) korisnika lovišta.

Član 6.

U lovištu, divljač mogu loviti i koristiti njene dijelove:

1. Članovi udruženja;
2. Radnici Stručne službe korisnika lovišta i Saveza;
3. Lovci - turisti;
4. Gosti udruženja i Saveza;

Lica iz tačke 2. i 4. ovog člana koriste ulovljenu divljač i njene dijelove pod istim uvjetima kao i članovi udruženja, s tim što naknadu za ulovljenu divljač može platiti njihov domaćin ili treće lice.

Korisnik lovišta je obavezan da, prilikom organizacije i izvršenja lova sa lovcima turistima (lovni turizam), u potpunosti poštuje lovačku etiku i običaje u lovu.

Radnici Stručne službe kada vrše uzgojno-selektivni i sanitarni odstrjel ne plaćaju naknadu za ulovljenu divljač.

Član 7.

U lovištu se lovi:

1. Uzgajeno - selektivnim odstrjelom;
2. Sanitarnim odstrjelom;
3. Redovnim i trofejnim odstrjelom;
4. Hvatanjem žive divljači;
5. Odstrjelom na osnovu čl. 14, 19, 56, 57. i 59. Zakona o lovstvu (lov uz odobrenje);
6. Redukcionim odstrjelom.

Redovni i trofejni odstrjel krupne i sitne divljači vrše lovci-turisti i članovi udruženja, a izuzetno i gosti uz prethodnu odluku Upravnog odbora korisnika lovišta.

Uzgajeno-selektivni i sanitarni odstrjel vrše radnici Stručne službe korisnika lovišta i lovci turisti ukoliko za to imaju interes.

Uzgajeno-selektivni odstrjel lovci turisti i članovi udruženja vrše uvek u pratnji radnika stručne službe korisnika lovišta, odnosno lica ovlaštenog od strane Upravnog odbora korisnika lovišta.

Lov upotrebotom sokola i drugih ptica grabljivica je dozvoljen u za to lovnom osnovom namijenjenom lovištu ili dijelu lovišta.

Član 8.

Lovci - članovi udruženja mogu loviti divljač u lovištu, kada ispune uvjete utvrđene Zakonom o lovstvu, Statutom Saveza i aktima korisnika lovišta.

Lov i prava iz lova ostvaruju članovi udruženja u lovnom reviru u kojem izvršavaju svoje obaveze po odluci Upravnog odbora i u drugim lovnim revirima lovišta.

Lovci turisti mogu loviti na osnovu ugovora zaključenog između korisnika lovišta i posrednika -turističke agencije ili privrednog društva koje ispunjava uvjete iz Zakona o lovstvu ili neposredno u slučaju da su državljeni BiH.

Član 9.

U lovišta se može organizovati pojedinačni i grupni lov, zavisno o vrsti divljači koja se lovi i broju lovaca.

- Pojedinačnim lovom love se sljedeće vrste divljači: jelen, jelen lopatar, bjelorepi jelen, srna, muflon, divokoza, divlja svinja i medvjed.

Pojedinačni lov se obavlja dočekom na zemlji, dočekom na čeki, vabljjenjem, vrebanjem (pretraživanjem), šuljanjem, mamljenjem i zapregom, privozom čamcem bez motornog pogona, pticama grabljivicama, stupicama i klopkama, uvihek uz stručnog pratnoga.

- Grupnim (skupnjim) lovom se love sljedeće vrste divljači: divlja svinja, zec, fazan, poljska jarebica, jarebica kamenjarka, šumska šljuka, divlja patka, divlja guska, grlica, gugutka, prepelica, liska i druge vrste divljači van režima zaštite.

Grupni lov se obavlja prigonom, pogonom i kružnim lovom.

U grupnom lovnu je dozvoljena upotreba lovačkih pasa u skladu sa odredbama Zakona o lovstvu.

U grupnom (skupnom) lovnu sudjeluju najmanje 3 (tri) lovaca.

Divljač izvan režima zaštite se lovi u pojedinačnom i u grupnom lovnu.

Član 10.

"Krupna" divljač se lovi na osnovu Dozvole za lov krupne divljači, izdane na propisanom obrascu, a divlja svinja i "sitna" divljač na osnovu Dozvole za lov koja glasi na ime vode grupe lovaca.

Dozvola za lov "krupne" divljači izdaje korisnik lovišta (stručni djelatnik -upravnik lovišta po ovlaštenju korisnika lovišta), a dozvola za lov "sitne" divljači predsjednik organizacionog dijela udruženja (sekcija, društvo, podružnica ili sl.) za lovni revir u kojem svoje aktivnosti ostvaruje organizacioni dio udruženja.

Dozvola za lov se izdaje najmanje 24 sata prije početka lova.

Član 11.

Dozvola za lov se može izdati samo na one vrste divljači koje su predviđene u godišnjem planu gospodarenja lovištem za tekuću lovnu godinu i u planiranom obimu (broju).

Ulovljena divljač i njeni dijelovi mogu se iznijeti iz lovišta samo uz propratnicu-potvrdu koju na propisanom obrascu izdaje pratilac lovca u lovu na krupnu divljač, a voda grupe lovaca ili lovnik u lovu na divlje svinje i "sitnu" divljač.

Propratnica-potvrda za "sitnu" divljač i divlju svinju može se dati i vodi grupe lovaca za cijelu grupu ako zajedno izlaze iz lovišta ili idu do mjesta stanovanja.

Član 12.

Pratilac lovca i voda grupe lovaca dužan je u roku od 48 sati, odnosno u roku koji utvrdi Upravni odbor korisnika lovišta, po završetku lova, dostaviti Stručnoj službi korisnika lovišta Zapisnik o izvršenom lovnu i Izveštaj o izvršenom lovnu na drugoj strani dozvole za lov, odnosno drugom dijelu dozvole za lov sa unesenim svim podacima predviđenim u obrascu.

Grupi lovaca, odnosno lovcu iz grupe lovaca za koju nije dostavljen izveštaj u roku neće se izdati dozvola za lov u sljedećem lovnom danu (nedjelji), a voda grupe-pratilac čini težu povredu discipline i za nju Upravni odbor korisnika lovišta može tom licu uskratiti pravo vode grupe-pratnoga.

Član 13.

Kalendарom lova se utvrđuju vrste i broj divljači koja se može odstranjeliti u lovištu, datum i vrijeme početka i završetka lova kao i zborna mjesta lovaca.

Lovci članovi udruženja i gosti u lovnu u lov polaze sa zbornog mjesta i iz lova se vraćaju na zbornu mjesto.

Zborna mjesta za svaki lovni revir u zavisnosti od broja grupe lovaca utvrđuje Upravni odbor korisnika lovišta najkasnije 15

dana prije početka lovne sezone i sa njim upoznaje sve članove udruženja.

Na zbornom mjestu, pratilac odnosno voda grupe lovaca, je dužan unijeti imena lovaca koji u lovnu sudjeluju u dozvolu za lov i da provjeri ispravnost oružja i opreme za lov, lovnu kartu, člansku kartu, oružni list i dokumente za pse ukoliko se vode u lov.

Obavezno je da upozna lovce sa vrstom divljači koja se lovi, načinom lova, vremenom završetka lova i mjerama sigurnosti kojih su svi lovci dužni se pridržavati.

U lovištu, članovi udruženja mogu loviti lovostajem zaštićenu "sitnu" divljač samo nedjeljom i državnim praznikom, a divlje patke i divlje guske i radnim danima koje odredi Upravni odbor korisnika lovišta.

Lovci koji ne ispunjavaju uvjete iz stava 3. ovog člana i lovci koji su pod uticajem alkohola ne mogu loviti toga dana.

Član 14.

Trofeje odstranjeljene divljači obraduje Stručna služba korisnika lovišta, a ocjenjuje stručna komisija.

Trofej se može predati lovcu kada je ocijenjen, ocjenjivanje trofeja izvršeno na obrascu ocjenjivačkog lista (čije elemente propisuje Lovački savez), popunjen trofejni list na propisanom obrascu i plaćena vrijednost trofeja po cjenovniku korisnika lovišta.

Lovcu se uz trofej ulovljene divljači obavezno predaje trofejni list, uredno popunjeno i ovjeren, potvrda za trofej i račun-uplatnica.

Član 15.

Lovac - član udruženja, naknadu za ulovljenu divljač plaća po izvršenju lova ili u vidu akontacije prigodom uplate članarine.

Uplaćena akontacija za lov divljači obračunava se po završetku sezone lova određene vrste divljači, a najkasnije do donošenja godišnjeg plana gospodarenja lovištem za narednu lovnu godinu.

Naknadu za ulovljenu divljač i korištenje ulovljene divljači i njenih dijelova za lovca člana udruženja može platiti i drugo lice ili privredno društvo (sponzor, poslovni partner i sl.), u kom slučaju Stručna služba korisnika lovišta formira odgovarajuću dokumentaciju i dostavlja informaciju sekciji iz koje je taj lovac.

Član 16.

Akontacija za lov divljači posebno se evidentira u knjigovodstvu i vodi na odvojenoj stavki knjigovodstvenog konta i iskazuje se u godišnjem planu gospodarenja lovištem u dijelu prihodi-rashodi, a na kraju lovne godine obračunava se kao naknada za ulovljenu divljač.

Član 17.

Lovcu - članu udruge koji ne izmiri svoje obveze nastale lovom i korištenjem divljači i njenih dijelova u utvrđenim rokovima prestaje članstvo u udruzi, a potraživanja udruge će naplatiti sudskim putem.

Član 18.

Dužnost organizatora lova je da upozna sve sudionike u lovnu sa pravilima sigurnosti u lovnu. Pravila sigurnosti u lovnu su sljedeća:

- Divljač je dozvoljeno loviti lovačkim oružjem i lovačkom municijom;
- Oružjem se mora rukovati oprezno i odgovorno;
- Prigodom odlaska do mjeseta lova, prelaska na drugo mjesto, kratkog prestanka lova, boravka u zatvorenim prostorijama, puške se moraju isprazniti odnosno prelomit;
- Puška se puni okrenutih leđa sudionicima lova, tako da se cijev drži koso, usmjerena cijev ima na dolje ili gore;
- Cijev puške se nikada ne smije uperiti prema drugom lovcu;

6. Nije dozvoljeno pucati na nisko leteću divljač ili na divljač koja se kreće u pravcu drugih lovaca i kada se oni time ugrožavaju;
7. Nije dozvoljeno pucati na vodu, led ili smrznuto zemljiste u pravcu drugih lovaca;
8. Prije početka lova svakog lovca upoznati sa mjestima susjednih lovaca i upozoriti ih na zabranu pucanja u određenim pravcima;
9. U grupnom lovu, divljač se ne smije pratiti sa uperenom puškom, sve dok se ne prođe crta postavljenih lovaca;
10. Ubrzač okidanja ("sneler") u grupnom lovu se ne smije koristiti;
11. Nije dozvoljeno divljač osmatrati pomoću optičkog nišana na pušći;
12. Prigodom nošenja oružja ruka se ne smije držati na ustima cijevi ili na okidaču (obarači);
13. Poslige pada puške na zemlju ili u snijeg, odnosno podizanja puške, moraju se pregledati usta cijevi radi otklanjanja eventualnih začepljenja;
14. Mjesto na koje je lovac raspoređen ne smije se napuštati u vrijeme lova bez odobrenja stručnog pratioca ili vođe grupe lovaca do završetka (prigona ili pogona) lova;
15. Prigodom sudjelovanja u kružnom lovu i u prigoni, puška se mora držati u položaju koso dolje ili koso gore;
16. Sudionike u lovu, prekršioce pravila iz stava 1. i 2. ovog člana, stručni pratičar ili vođa grupe lovaca će isključiti iz lova.

Član 19.

Nije dozvoljen lov divljači:

1. U vrijeme kada je vidljivost znatno smanjena (vidljivost manja od 150 m), lošeg vremena (uslijed magle, jakе kiše, snijega, jakog vjetra i sl.), hemijskog, biološkog i radioaktivnog zagadenja, ratnog djelovanja na površinama gdje je ustanovljeno lovište;
2. Noću, dva sata prije izlaska i dva sata poslije zalaska sunca, osim divljih svinja, medvjeda i vuka u noći sa mjesecinom, dočekom sa čeke.
3. Zabranjeno je loviti divljač, osim u svrhu spašavanja, u sljedećim uvjetima:
 - a) kada je ugrožena poplavom;
 - b) kada je ugrožena požarom;
 - c) kada je ugrožena visokim snijegom (visina snijega iznad 40 cm);
 - d) kada je ugrožena dugotrajnim sušnim razdobljem (razdoblje duže od 60 dana bez kiše).

Zabranjeno je obavljanje lova na pojedine vrste divljači kada lov može ugroziti zdravlje ljudi, stoke, kao i druge životinjske vrste.

Član 20.

Lovostajem zaštićena divljač i divljač izvan režima zaštite može se odstrijeliti samo lovačkim oružjem i lovačkom municijom odgovarajućeg punjenja u skladu sa odredbama Zakona o lovstvu.

Član 21.

Divljač izvan režima zaštite i psi i mačke koji se bez kontrole i bez odobrenja korisnika lovišta kreću po lovištu, love se u organizovanim akcijama i prilikom lova na druge vrste divljači.

Lovac - član udruženja obavezan je svake lovne godine odstrijeliti određen broj divljači izvan režima zaštite i pasa i mačaka koji se kreću lovištem bez kontrole vlasnika ili odobrenja korisnika lovišta i to u vrijednosti koju odredi korisnik lovišta.

Vrijednost pojedinačnog poena utvrđuje Upravni odbor korisnika lovišta i to za svaku lovnu godinu u godišnjem planu gospodarenja lovištem.

Lovac koji ne ispunjava obavezu iz stava 2. dužan je istu platiti po utvrđenoj cijeni korisnika lovišta i to do kraja tekuće lovne godine.

Član 22.

Objekte u lovištu u toku izvršenja lova koriste sva lica koja imaju dozvolu za lov izdanu od strane korisnika lovišta ili Saveza, isključivo u funkciji za koju su predviđeni i uz naknadu predviđenu Cjenovnikom koji donosi federalni ministar.

Član 23.

Za svu učinjenu štetu lovaca u lovištu nastalu prilikom lova, odgovoran je korisnik lovišta.

Korisnik lovišta mora nadoknaditi štetu vlasnicima zemljista, voda i šuma na kojem je šteta nastala, a ima pravo refundiranja isplaćenog iznosa od lovca koji je štetu pričinio.

Član 24.

Korisnici lovišta su obavezni da, na osnovu ovog Pravilnika, usklade svoje poslovanje sa specifičnim prilikama u lovištima kojim gospodare, u roku od šest mjeseci od dana stupanja na snagu ovoga Pravilnika.

Član 25.

Danom stupanja na snagu ovoga Pravilnika prestaje važiti Uputstvo o uvjetima za gazdovanje lovištem ("Službeni list SRBiH", broj 37/90).

Član 26.

Ovaj Pravilnik stupa na snagu osmog dana od dana objavljanja u "Službenim novinama Federacije BiH".

Broj 01-02-384/06
septembra 2006. godine
Ministar
Sarajevo

Marinko Božić, s. r.

780

Na temelju članka 49. stavak 1. Zakona o lovstvu ("Službene novine Federacije BiH", broj 4/06), federalni ministar poljoprivrede, vodoprivrede i šumarstva donosi

PRAVILNIK

O SADRŽAJU, NAČINU I NOSITELJIMA IZRADE, ODNOSNO ODOBRAVANJA LOVNOGOSPODARSKE OSNOVE, GODIŠNJEG I PRIVREMENOG PLANA GOSPODARENJA LOVIŠTEM

I. OPĆE ODREDBE

Članak 1.

Ovim Pravilnikom propisuje se sadržaj, način izrade, nositelji izrade te postupak donošenja odnosno odobravanja lovno-gospodarske osnove, godišnjeg i privremenog plana gospodarenja sa programom uzgoja divljači i programom zaštite divljači.

Članak 2.

Pod izradom iz članka 1. stavka 1. ovoga Pravilnika podrazumijeva se:

- utvrđivanje vrste divljači koja prirodno obitava ili se prvenstveno uzgaja ovisno o namjeni zemljista i voda (u dalnjem tekstu: zemljiste);
- utvrđivanje lovno-površinskih površina po gospodarski značajnim vrstama divljači;
- utvrđivanje boniteta staništa po gospodarski značajnim vrstama divljači;
- utvrđivanje broja divljači koja se može uzgajati;
- briga o drugim životinjskim vrstama koje bitno utječu na lovno gospodarenje (u dalnjem tekstu: životinjske vrste).

Članak 3.

Pod donošenjem iz članka 1. stavka 1. ovoga Pravilnika podrazumijeva se povjeravanje izrade lovno-gospodarske osnove, programa uzgoja divljači i programa zaštite divljači te njihove revizije ovlaštenoj pravnoj ili fizičkoj osobi te dostava